

白雲仙表



系師白雲觀乃邱長春真君羽化之所仙  
蛟瘞焉師生於此熙宗八年正月十九日  
故都人士每逢是日香烟雲集謂之醮邱  
佑傳以爲燕九

皇帝

賜香遺祭典至重也兩廡舊塑十八宗師  
首節日隨真君應元太祖雪山之聘扶持

世系載在史冊大要以修身寡慾為主以  
忠君愛民爲務非一味清淨寂滅但求長  
生之術者惟時代久遠粟主殘缺嘉慶己  
卯先大夫偶至其地訪問列真始末觀  
至都不能對胸而詢之蔡夢因先生得聞  
厓略乃按元時敕封次序爲之立立并繪



象焉。更於九篇立傳。而事蹟多不可攷。後  
家君朋友中外。馳驅王事。遂置之道光乙  
巳秋。養疴安居。嘗為賈誼言及懷之。焉以  
為遺憾。未幾。家君見背。越二年丁未。賈  
誼小祥之期。序墓追薦。方丈瑞陽鄭公云。  
有監院孟公。豁一老道行素著。現從山東

二

濟南來。載有道藏輯要等書。備誌仙真軼  
事。實與之考究。竟獲根原。十八人中。有專  
傳者。有散見於他編者。因而綜其事實。各  
立一傳。以付棗梨。從此上下千古。盡見十  
八師之為人。與夫功德之在民者。豁一孟  
公之力。亦方丈鄭公薦引之功。而賈於是

得繼先人之志矣。至於五祖七真之聖跡，豈爰見所能彈述，而不敢不叙。大概者誌數典不忘之意。若夫擅一高士恬淡真人，則荷。

熙朝隆遇，園扉赤脚，其奇跡為近人所共見。火頭睡仙，張老律師，印其濟衆之實，修六

三

合大遠之妙道，古有功于白雲常住者，故亦誌諸簡末。蓋邱仙以前為宗旨之所由傳，邱仙以後為觀蹟之所由盛。此外仙蹤概不錄入，故謂之白雲仙表云。

遂先丁未志平月完顏崇實謹序





少陽東華帝君

帝君姓王氏字元甫道號東華子生有奇表幼慕真  
風白雲上真授以青符玉篆金科靈文大丹秘訣先  
生得之服膺三年退居於崑崙山烟霞洞結草菴以  
居篆其額曰東華觀韜光晦迹百有餘年而人未之  
知也後徙居代州五臺之陽山中在人間數百歲聞  
闡元宗陰功濟物元德動天故天真賜號曰東華帝  
君又曰紫府少陽君授度門人正陽真人鍾離雲房  
白雲僊表

君

嗣洪法教所有聖真不能具述故立之以爲全真第  
一祖師元至大年間加封爲東華紫府輔元大道帝

鍾離祖師

祖師諱權字雲房號正陽子京兆咸陽人也曾祖諱朴祖諱守道父諱源當後漢末年皆據要津有功於國世濟其美師少工文學尤喜草聖身長八尺七寸髯過臍下目有神光仕至左諫議大夫因表李堅邊事不當謫爲南康知軍漢亡復仕於晉及武帝時與偏將周處同領兵事屢出征討已而失利逃於亂山不知所往偶見老氏者流問而不語但舉手而指東

白雲僊表

二

南公遽往焉行六七里峯巒峭拔松柏參差中有樓閣金碧炫耀二青衣應門而立揖而問曰此何方也對曰紫府少陽君之所居東華帝君之別業也吾師候君久矣遂延入館中拜見帝君授以大丹秘訣師一聞千悟旣盡其妙辭而下山椎髻布衣積行教人調神鍊氣變化無常至唐文宗開成年間因遊廬山遇呂公洞賓授以天遁劍法自稱天下都散漢後隱居於晉之羊角山天真賜號曰太極左宮保生真人



元至大年間加封爲正陽開悟傳道垂教帝君

白雲僊表

三

元至大年間敕封爲五顯開劫轉教垂慈帝君

純陽祖師

祖師諱崑字洞賓蒲州蒲坂永樂人也曾祖諱景仕至翰林學士祖諱獻位至河南府尹父諱渭官禮部尙書唐德宗興元十四年丙子四月十四日生於林禽樹下至唐文宗開成元年丁酉歲擢進士第年二十有二鬚眉疎美頂華陽巾狀類張子房後任五峯廬山縣令因暇日遊廬山與正陽先生相遇心與心契密受大道天遁劍法龍虎金丹秘文賜號純陽子白雲僊表

四

由是棄官專心向道積功累行或隱或顯多游蒼梧南越之間嘗有詩云朝游南越暮蒼梧袖裏青蛇膽氣麤三入岳陽人不識高吟飛過洞庭湖師平生著作數百篇名傳劍集飛騰變化接引者不知其數後遊歷鄂州昇黃鶴樓冉冉飛昇日當卓午五月二十日也元至大年間加封爲純陽演正警化孚佑帝君



海蟾祖師

祖師姓劉諱操字宗成號海蟾燕山人也年十六以明經擢甲科累遷至上相平昔好談性命之說然終不得其妙一日有道者來謁邀坐堂上以賓禮待之問其姓名笑而不答但自稱正陽子願乞雞卵十枚金錢一文安金錢於案上而高累十卵危而不墜海蟾嘆曰危哉先生曰相公身命俱危更甚於此海蟾頓悟於是設夜宴佯托沉醉以杯盤寶器俱擲於地

白雲僊表

五

而碎之夫人洎兒女輩莫不怒責比及朝退猶未解顏輒解印而辭官佯狂歌舞遠泛秦川陶真於太華之前遁迹於終南之下頃精鍊氣以至成真忽一旦於代州壽寧觀以墨水潑成龜鶴齊壽四字約一丈餘并自寫真於壁間後題詩云醉騎白驢來倒提銅尾揀引箇碧眼奴擔着獨胡癭自忘塵世事家住葛洪井不讀黃庭經豈燒龍虎鼎獨行都市中不受俗人請欲携霹靂琴去上崑崙頂吳牛買十角溪田耕

半頃種黍釀白醪便是仙家景醉臥古松陰閒立白  
雲嶺要去卽便去直入秋毫影隨代所顯靈迹甚多  
元至大年間加封爲海蟾明悟洪道純佑帝君

白雲僊表

六



元至大年間加封爲海蟾明悟洪道純佑帝君  
雲嶺要去卽便去直入秋毫影隨代所顯靈迹甚多  
元至大年間加封爲海蟾明悟洪道純佑帝君



重陽祖師

北大山之中於間有人善於煉丹

祖師姓王氏諱中孚字久卿家世咸陽最爲右族當  
劉蔣水竹烟霞爽塏之地營起別墅作終焉計爲人  
骨格雄偉眼大於口髯過於腹早通經史晚習弓刀  
當廢齊阜昌間獻賦春官迂意而黜復試武舉遂中  
甲科逮四十有七歲喟然歎曰孔子四十而不惑孟  
子四十而不動心吾今已過之矣尙且吞腥啄腐紆  
紫懷金不亦太愚乎遂辭官拂衣塵外類楚狂之放

白雲僊表

七

蕩焉時正隆己卯四十有八歲也時有二道者各披  
白氈忽從南方脩然而來師不覺驚起趨揖相與語  
言皆出時語遂密授真訣更名曰嘉字曰知明號曰  
重陽子旣畢指東方曰汝何不觀之師回首而望道  
者曰何見曰見七朶金蓮結子道者笑曰豈止如是  
而已將有萬朶玉蓮芳矣言訖忽失所在自是落魄  
不羈乞食於市明年庚辰有一道者同宿月中乃言  
曰吾居西北大山之中彼間有人善於談演陰符道



德言訖拄杖乘風而去後過醴泉再遇道者趨而拜之忻然相邀入於酒館共飲之次書祕語五篇師讀之數過立悟妙理戒曰天機不可輕泄卽令投之火中道者曰速往東海邱劉譚中有一駿馬可以拴之言畢不知所在師遂歸劉蔣自搆一菴題其榜曰活死人墓忽一日自焚其菴人問其故答曰三年之後別有人修大定七年迺遷東邁經過咸陽自畫一幅作三髻道者遂東歸海濱徜徉數載接誘訓化旣得

白雲隱表

八

邱劉譚馬郝孫王以足滿七朶金蓮之數普化三州同歸五會一日異香馥郁白鶴翔空仙儀冉冉高出雲端時大定庚寅正月初四日也所著有全真前後集并雲中錄明鉛汞坎離之說盛行於世元至大年間加封爲重陽全真開化輔極帝君

大定庚寅立部欽聖張曰天機不可輕泄卽令投之火中道者曰速往東海邱劉蔣自搆一菴題其榜曰活死人墓忽一日自焚其菴人問其故答曰三年之後別有人修大定七年迺遷東邁經過咸陽自畫一幅作三髻道者遂東歸海濱徜徉數載接誘訓化旣得



長春主教真君

師姓邱名處機字通密號長春子登州棲霞縣濱都人也生於金熙宗皇統八年戊辰正月十九日幼聰敏日記千餘言未弱冠卽學道隱崑崙山大定七年聞重陽道化九月乃拜於寧海之全真菴重陽贈以金鱗遂爲弟子重陽爲訓今名九年冬從重陽遊汴梁寓王氏旅邸明年正月初四日重陽仙化師廬墓三年甲午秋乃入礪溪穴居日乞一食行一蓑人謂

白雲僊表

九

之蓑衣先生晝夜不寐者六年復隱隴州龍門山苦行如礪溪時遠方學者咸依之大定二十八年二月金世宗皇帝召赴闕問答稱旨賜以巾冠館於天長觀夏五月召見於長松島問以延生之理師對曰惜精全神修身之要恭己無爲治天下之本富貴驕淫人情所常當兢兢業業以自防耳誠能久而行之去仙道不遠誕詭幻怪非所聞也上善其言七月再召見於便殿師剖析至理上大悅翼日賜上林桃師不



食茶果十餘年至是取一枚啖之八月得旨還祖庭  
賜贐禮辭不受明昌二年辛亥東歸棲霞以故居爲  
觀勅賜額曰太虛貞祐二年甲戌冬山東亂帥府請  
師牒諭所至皆拔戈拜命寧海登二州遂安四年春  
金宣宗命東平監軍王庭玉召師不赴興定三年己  
卯師居萊州昊天觀時齊魯陷宋八月宋寧宗命大  
帥彭義斌召師亦不赴是歲元太祖在柰蠻國命侍  
臣劉仲祿捧詔聘師十二月仲祿至萊州師慨然應

白雲偈表

十

命明年庚辰正月起行十八大師從二月入燕城行  
省館於玉虛觀三月進表陳情四月道出居庸關忽  
遇羣盜皆稽首而退壬午三月上遣太師阿里鮮來  
迎四月方達印土見元太祖於大雪山之陽十月朔  
上設庭燎虛前席延師問以王道師對以節慾乃修  
身之要愛民爲永國之方及陳天道好生惡殺之意  
上悅命侍臣書之簡冊其詳見於慶會錄癸未二月  
辭歸上勉留三月復辭制可甲申三月至京師上遣



曷刺傳旨邱神仙至漢地凡朕所有之城池其欲居者居之往迴事跡見西游記行省請師住天長觀自爾使者赴行宮元主必問邱神仙安否還必有宣諭語行省又施瓊華島爲觀師命工葺之九月熒惑犯尾宿宣撫王揖請師禳之是夕熒惑退數舍丙戌五月大旱行省請師祈禱大雨三日丁亥五月詔以瓊華島爲萬安宮改天長觀爲長春宮賜師金虎符主領天下道教事特旨蠲免道門差稅七月九日師陞

白雲偈表

十一

寶元堂示眾以生死事爰書頌云生死朝昏事一般  
幻泡出沒水長閒微光現處跳烏兔元量開時納海  
山揮斥八紘如咫尺吹噓萬有似機關狂辭落筆成  
塵垢寄在時人妄聽聞遂入葆光堂端坐而化有磻  
溪鳴道文集西遊記行於世今棲霞縣太虛觀卽其  
故居磻溪長春成道宮卽修真之處京師大長春宮  
乃登真之所也元至大年間加封爲長春全德神化  
明應主教真君



丹陽真君

師姓馬名鉅字元寶號丹陽子初名從義字宜甫寧海州人也生於金太宗天會元年癸卯五月二十日昆弟五人師其次也家饒於財號馬半州娶州人孫忠顯女生三子大定七年閏七月宴於州人范明叔家怡老亭酒酣賦詩有醉後倩人扶之句忽重陽布袍竹笠冒暑而來徑造其席師問曰奚自重陽曰終南特來扶醉人師異之取瓜與食重陽從蒂食起怪白雲僊表

主

詢其故答曰甜向苦中來又問姓名曰王害風師復叩云何名曰道答曰五行不到處父母未生前師於言下有悟請重陽還家而師之築菴以居重陽匾之曰全真自後悉以家事付三子專心學道重陽爲易今名九年從游汴梁庚寅正月初四日重陽以五篇秘訣授師而逝師遂頂分三髻以象師名師與譚劉邱三師舉重陽仙蛻葬於劉蔣時壬辰歲也二十二年四月道經濟南有韓洵者禮師請益師曰夫道以



見性爲體養命爲用柔弱爲本清淨爲基不出戶庭而妙道得矣至寧海州居金蓮堂有苦井不可食師咒之成甘泉癸卯下元文登人請師主醮眾覩重陽現於空際白龜之上晦日游城北之三教堂時門弟子咸集忽鄆州至一道者抱琴而前師乃援筆作歸山操示眾至二鼓忽風雨大作迅雷一聲端坐而逝元至大年間加封爲丹陽抱一無爲普化真君

白雲僊表

三

元至大年間加封爲丹陽抱一無爲普化真君  
山對永翠至二鼓忽風雨大作迅雷一聲端坐而逝  
元祖集於楓林至一鼓書於琴而前師以對筆作歸  
山操示眾至二鼓忽風雨大作迅雷一聲端坐而逝  
元至大年間加封爲丹陽抱一無爲普化真君  
山對永翠至二鼓忽風雨大作迅雷一聲端坐而逝  
元祖集於楓林至一鼓書於琴而前師以對筆作歸  
山操示眾至二鼓忽風雨大作迅雷一聲端坐而逝  
元至大年間加封爲丹陽抱一無爲普化真君

長真真君

師姓譚名處端字通正號長真子寧海人也初名玉字伯玉生於金太宗天會元年癸卯三月朔幼墮井坐水上無驚復遇火不怖人皆異之年十五有志於學作葡萄篇大定七年遂棄妻詣全真菴禮重陽爲弟子時夜寒甚爐竈清冷殆不可忍重陽遂展足令師抱之少頃汗流被體如臥甌中初師有痺疾重陽以盥面餘水令師盥洗宿疾頓除鬚眉儼然師乃益

白雲僊表

古

加虔禱重陽遂授以四字秘訣爲改今名九年冬重陽游汴師同馬劉邱三師侍行寓王氏旅邸明年重陽仙化師與三師舉仙蛻歸葬劉蔣廬墓三年十四年秋師東出關居洛陽朝元宮後游河朔獲嘉縣居府君廟之新菴一日師鎖菴往衛州至夕廟官溫六見菴中火光窺見師擁火而坐急遣人趨州求師師在州之北關旅邸中臥猶未起及還菴火尙未滅十五年師游磁州二祖鎮遇一醉徒問師爾從何來未



及應遽以拳擊師口齒折血流而容色愈和吐齒握手歌舞而去市人見者皆怒使訟於官師但曰彼醉耳時丹陽在關中聞而讚曰一拳消盡平生業二十一年復西游寓華陰之純陽洞示眾有句曰六年滅盡無明火十載修成換骨丹湛湛虛堂無罣碍已知跳出死生關復游洛陽於朝元宮之東築菴以居二十五年乙巳四月朔仙去異香凝室者數日有雲水集行於世元至大年間加封爲長真凝神元靜蘊德

白雲僊表

五

真君

十五年乙巳四月朔仙去異香凝室者數日有雲水集行於世元至大年間加封爲長真凝神元靜蘊德



長生真君

師姓劉名處元字通密號長生子東萊之武宮莊人也生於金熙宗皇統七年丁卯七月十二日事母以孝聞誓不昏宦視外物恬不介意屢欲出家母未之許大定九年二月忽覩隣居壁間書二頌墨迹尙新不留名姓其末句云武官養性真仙地須有長生不死人師見其筆力遒勁疑異之九月重陽與馬譚邱三師至東萊師往迎拜重陽顧而笑曰壁間墨痕汝

白雲偈表

夫

知之乎師於是傾誠願爲弟子重陽見其神采不羣嘆曰松之月竹之雪故不受於黃塵乃贈以詩爲立今名明年春重陽仙去廬於墓側三年甲午秋乃溷迹京洛人餽則食人問則答十八年秋遷居洛城東北雲溪洞門人爲鑿洞室忽得井泉眾方駭異師笑曰不遠數尺更有二井此乃我三生前修煉處鑿之果然二十一年秋東歸萊州明年就武官莊故居建菴承安二年丁巳金章宗皇帝聞風聘召問以至道



師對曰至道之要寡嗜欲則身安薄賦斂則國泰上  
歎曰廣成子之言也勅近侍館師於天長觀明年正  
月得旨還山賜璽固辭不受勅賜故居菴額曰靈虛  
觀泰和三年癸亥正月東京留守劉昭毅定海軍節  
度使劉師魯來禮師問道師曰公等皆當代名臣深  
荷顧遇吾將逝矣不足爲公等友復示頌云正到崢  
嶸處爭如拂袖歸我今須繼踵回首返希夷二月六  
日鳴鼓集眾告以去期謂弟子曰各善護持毋生懈  
怠乃曲肱而逝元至大年間加封爲長生輔化宗元

白雲僊表

七

明德真君

昔真君出世遊吳不日爲公等太尉示聖元正降聖  
與封醴醕魯本顯神問並稱曰公等皆當分各引聖  
騰泰味三平癸亥五月東家留守隆興建武將軍  
民皆言靈山顯顯固賴不更煉銀姑吳崇壽曰靈  
真曰真如千之言出煉後掛諸神像天長觀即平  
真曰真如千之言出煉後掛諸神像天長觀即平



廣寧真君

師姓郝名大通字太古號廣寧子寧海人也生於金  
熙宗天眷三年庚申正月初三日家財甲一州事母  
孝儵然有出塵志好讀易洞曉陰陽術數之學慕季  
主君平隱於卜筮大定七年丁亥秋重陽至寧海游  
行於市見師言動不凡思有以感發之一日至卜肆  
背肆而坐師曰請先生回頭重陽曰君何不同頭耶  
師悚然驚異重陽去師卽閉卜肆至馬氏南園全真

白雲僊表

十八

菴中謁重陽請教重陽授以二詞師大悟不覺下拜  
以有母未卽入道明年戊子母歿三月師乃棄家入  
崑崙山烟霞洞受業爲弟子訓名璘號恬然子乃解  
納衣去其袖而與之曰勿患無袖汝當自成師日攜  
瓦礫乞食未幾辭重陽去與玉陽子俱隱查山後玉  
陽以師不立苦志忠告而勸激之師遂西訪四師四  
師方廬於重陽墓次師欲與同處譚長真激以隨人  
脚跟轉之語明日卽東還至岐山遇神人爲改今名



十三年癸巳度大慶關游趙魏間十五年乙未坐沃  
州橋下不語不動河水泛溢亦不少移人饋則食不  
饋則已雖祁寒酷暑兀然無變如此者六年其族屬  
親戚來視之師俱不答有所贈亦不受二十二年師  
至真定升堂演道聽者常數百人庚戌秋還寧海一  
日遽索紙筆成易圖三十三冊皆天人之蘊昔賢所  
未發者于是預告去期於崇慶元年臘月晦日端坐  
而逝元至大年間加封爲廣寧通元妙極太古真君

白雲僊表

元

而後元至太平間僊體寂寂爲後天妙跡太古真君  
朱發者牛鼻頭先生也其書元平臘月朔日端坐  
日發衆神筆如長圖三十三冊皆天人之蘊昔賢所  
至真定升堂演道聽者常數百人庚戌秋還寧海一  
日遽索紙筆成易圖三十三冊皆天人之蘊昔賢所  
未發者于是預告去期於崇慶元年臘月晦日端坐  
而逝元至大年間加封爲廣寧通元妙極太古真君



玉陽真君

師姓王名處一字玉陽號僉陽子寧海東牟人也生於金熙宗皇統二年壬戌三月十八日母夢丹霞被體而生七歲無疾死而復甦由是知死生之事嘗山行遇一老翁坐石上與之語又聞空中人自稱元庭宮主自是若有所得人不能知敝衣赤腳歌舞於市人以爲病或謂非病強加以巾冠而妻之師不可大定戊子二月聞重陽至州師往迎拜請爲弟子重陽

白雲僊表

二十

爲訓今名字從居崑崙山烟霞洞其母周氏亦願出家重陽訓名曰德清號元靜散人是秋侍重陽回文登居姜實菴明年春師辭居查山重陽與馬譚邱郝四師自文登歸寧海道經龍泉去查山二百餘里時炎暑重陽持傘忽自飛去未晡墜查山師於傘柄中得詩一首并僉陽子三字因以爲號後居雲光洞九年志行確苦嘗俯大壑以一足跂立人稱爲鐵腳仙遨遊齊魯大著神異金世宗聞其名召赴闕問以衛



生爲治之道對曰含精以養神端拱以無爲帝嘉納  
館於天長觀久之有嫉師者召師飲而鳩之師預戒  
其徒鑿池灌水以俟師至彼持杯盡飲歸浴池中水  
皆湯沸鬚髮盡脫上聞之欲窮治其事問至再三師  
終不告帝益嘉歎明年戊申春召建修真觀居師乃  
求還山侍親上從之所賜贍悉委去是歲上不豫十  
二月再召師對使者曰吾恐不及再覩天顏矣己酉  
正月至京而世宗已崩二日矣丁巳七月章宗召至  
白雲僊表

二

便殿問答稱旨眷遇益隆賜號體元天師館之崇福  
觀戊午夏以母年老乞養上厚贍之師乃東歸泰和  
年間兩奉詔設醮度道眾千餘人癸亥七月二十五  
日師母仙逝於是雲游四方後居玉田縣忽謂其徒  
曰若聞空中劍楯聲乎北方氣運將新矣是歲元兵  
果南下丁丑四月二十二日沐浴衣冠參拜四方端  
坐而逝元至大年間加封爲玉陽體元廣慈普度真  
君



清淨元君

元君姓孫名不二號清淨散人寧海人也生於宋徽宗宣和元年己亥正月初五日父曰忠顯母夢六鶴飛舞於庭一鶴飛入懷中覺而有娠乃生元君性聰慧嚴禮法長適同邑之馬宜甫卽丹陽先生也生三子曰庭珍庭瑞庭珪大定七年重陽抵寧海遂同丹陽捨家之南園築菴以居明年丹陽棄家從道闕一年元君亦詣金蓮堂師重陽重陽授以道要爲立今

白雲僊表

三

名其冬重陽游汴梁元君遂就金蓮堂居環多時金大定十五年夏西入關致醮祖庭未幾卽出關游洛陽接引弟子甚眾二十二年壬寅十二月二十九日忽沐浴更衣冠問弟子天氣早晚對曰卓午矣遂援筆書卜算子云握固披衣候水火頻交媾萬道霞光海底生一撞三關透仙樂頻頻奏常飲醍醐酒妙藥都來頃刻間九轉丹砂就書畢云吾今歸矣乃趺坐而化元至大年間加封爲清淨淵貞元虛順德元君



太和尹宗師家傳見天太師公明親奏隆興言數  
師姓尹氏諱志平號太和子萊州人師生之夕火光  
照庭宇母寐夢儀衛異常愕然驚寢師已誕矣五歲  
入小學日誦千餘言舉止異凡兒嘗因祀事究生死  
理遐想自忘十四歲遇丹陽真君遽欲入道其父難  
之逃出再三始從之詣長生真君席下執弟子禮尋  
住昌邑縣之西菴常獨坐樹下每每達旦忽一夕靜  
中見長生飄然而來剖析大道頓有所悟後住福山  
白雲僊表

三

縣拯救貧苦功德甚眾明昌初聞長春真君還棲霞  
往侍左右長春特器異之付授無所隱玉陽王真君  
屢握手談道授以口訣又受易於太古郝真君自是  
道業日隆四方學者翕然景從己卯冬元太祖遣使  
劉仲祿徵長春真君先至濰陽謁師於玉清觀語及  
詔旨師喜曰將以斯道覺斯民此其時矣遂往見長  
春於萊州決計北上時從行者十有八人皆德望泰  
重者師爲之冠旣見元太祖於印度奏對稱旨還及



雲中長春聞山東亂曰彼方生靈命懸砧鼎非汝莫能救因遣師往招慰聞者樂附所全活甚多敕令長春住太極宮後改長春宮師在席下最爲入室四方頂禮者雲合師曰我無功德敢與享此供奉乎遂辭退往德興之龍陽觀迨長春上仙師方隱上谷眾以主教事敦請勉從之遂還長春宮以嗣元教壬辰春元太宗南征還見師於順天慰問甚厚癸巳夏游母間山太元觀住持李虛元語人曰去年院中青氣氤

白雲僊表

雷

氤者累日占者以爲當有異人至今師來旣驗矣甲午春南歸所過之境望塵迎拜者日千萬計師以元化大行歸功重陽乃留意於終南祖庭規度兆域適符當日重陽火其菴時詩中後人復修之句是年夏奉敕選戒道經太行羣盜羅拜悉爲良民戊戌春忽曰吾老矣久厭勞事常愛房山之幽邃遂葺道院以居辛亥二月初六日焚香禮聖畢忽謂眾曰吾將逝矣眾方驚愕師嘿不應惟戒葬事勿豐歡茶危坐談



道如平日是夜正衣冠曲肱而逝春秋八十有三元  
至大年間加封爲清和妙用廣化崇教大真人

白雲僊表

圭

至大年間詔建爲清和妙用廣化崇教大真人

至大年間詔建爲清和妙用廣化崇教大真人

天倪張宗師

師姓張初名志偉後改志純道號天倪子其先世居布山之陽以財穀雄里社當金正隆間人多貧乏惟張氏富有田畜然能周急濟困往來過客無論貴賤館之如一當時遂有善人家之稱其曾祖諱林祖諱彬父諱仙仙生四子其第四卽師也方在孕永期月母劉氏見茹葷者輒掩鼻而去誕降之期若聞有僧呼曰我必飯於爾家夢覺而師卽生骨法不類凡兒

白雲僊表

三

六歲卽習五經上口成誦然不樂家居十二辭父母入山學道禮真靜崔先生爲師不數年名譽大振朝廷賜號爲崇真保德大師未幾慨然復還布山一日方偃息間恍入泰山之阿若有人前導者樓觀參差如在天上覺而告諸門人曰吾其有事於泰山乎未幾果有旨加明道圓融之號兼提點泰安州教門事於是遂居泰山多年得遇長春真君親承指授迨至元初長春西行從者十八人師其一也壽百二十歲



曾三見帝王屢膺顯號元初學士徐世隆題其遺像  
曰形雖羸於道則肥性雖介於物則齊具儒墨之體  
用見天地之端倪郡人王天挺曰山澤之臞道德之  
腴徐徐于于此世之所謂天倪子乎元至大年間加  
封爲悟真疑化純素真人

白雲僊表

三

冲和潘宗師

師姓潘諱德冲字仲和冲和其號也淄之齊東人家世業農素饒財穀嘗遇歲凶發粟賑飢賴以全活者甚眾有術士過其家語人曰是門有陰德必獲陽報當生異子初師之母王氏嘗夢有祥雲入室覆其身良久乃去自爾有娠孕十九月師乃生七歲不能言其父憂之忽有一道者來乞食父延之入門問所從來云自東海師卽從旁與語應答如流父駭愕問道

白雲僊表

三

者曰是子神韻冲萃非凡兒也異日當爲人天師宜善鞠之自此遂能言後稍長警悟敏慧常人莫及讀書日記千餘言後聞父母欲爲娶妻遂宵遁卽往棲霞道經濰陽時清和宗師住持玉清宮問其所適知將詣長春乃引見焉自是服膺仙訓日坐靜室中凝神滌慮者十有餘年元太祖徵長春於海上乃從西行風沙萬里不以爲苦先是長春真君常語師曰汝緣他年當在西南旣而長春仙去太和宗師遂委師



爲河東兩路道教都提點乃居永樂營造九峯山純陽上宮並創下院不數年間規模宏壯甲寅春元天子設醮於長春宮於是師自永樂至燕致彩雲鸞鶴之瑞師善操琴金有名琴曰玉振者貞祐之變爲師所得曾築臺於長春宮旁卽今白雲觀西之土阜也後仍還永樂丙辰夏四月忽謂左右曰吾幼遇長春授以秘訣終身誦之麤有所得繼承太和真常以純陽祖師世緣見付吾比年經營畧有次第吾其行乎

白雲僊表

完

眾不知所謂二十六日將返下院時方盛暑畏日載途從者苦之師曰汝眾第行勿傷也忽陰霧四合抵山下四十餘里人不知暑夜二更將盡師忽扶杖而出露坐移時尋復入以湯頰面卽易衣索筆書頌一篇乃就枕翛然而逝春秋六十有六元至大年間加封爲通元妙道冲和真人

上宮並創下院不數年間規模宏壯甲寅春元天子設醮於長春宮於是師自永樂至燕致彩雲鸞鶴之瑞師善操琴金有名琴曰玉振者貞祐之變爲師所得曾築臺於長春宮旁卽今白雲觀西之土阜也後仍還永樂丙辰夏四月忽謂左右曰吾幼遇長春授以秘訣終身誦之麤有所得繼承太和真常以純陽祖師世緣見付吾比年經營畧有次第吾其行乎

太素孫宗師

師姓孫諱志堅里居無考亦不知於何地何年皈依  
長春門下真君西行時選門弟子中品學兼醇道德  
具足者十八人侍行師其一也至阿不罕山因前途  
峻險遂留太元宗師等九人選地爲觀以減車從迨  
真君東回仍至阿不罕山分爲三進令太元宗師等  
六人先行真君挈尹太和等六人次之師暨張冲虛  
等五人又次之及至燕隨住天長觀後游名山隱於  
幽谷不知所終元至大年間加封爲明誠體妙虛寂  
真人

白雲僊表

三



太元宋宗師

師姓宋諱道安不詳其里居自幼舉止不凡雅好恬澹嗜讀黃老不務時學超然有出世之心聞長春真君設教登萊間遂往拜門墻願爲弟子真君見師氣宇高渾骨格清奇知爲元門宗匠乃命今名自是親承教誨默悟元機混俗同塵潛光不耀興定三年己卯元太祖徵長春於海上從者十八人師其一也辛巳七月行至阿不罕山留師等九人選地爲觀人不

白雲僊表

三

召而至不一月落成名曰棲霞觀癸未春二月元太祖命阿里鮮等護真君東還道經棲霞遂留數月率師等俱歸甲申三月師侍真君至燕七月九日真君仙化遺命令師提舉教門事而以尹公副之繼而太和至自德興師欣然謂曰吾老矣不勝繁劇教門之事惟君是賴讓至於再太和受其托師乃隱匿名姓逍遙物外不知所終元至大年間加封爲元明普照

崇德真人



崇真李宗師

而鶴曰吾曾小入其門

命謝以公

師姓李諱志常字浩然其先洺州永年人後徙居觀城曾祖諱昌祖諱明父諱蔓皆隱德不耀素爲鄉里所重母聶氏夜夢異人授之玉兒覺而生師卽明昌四年癸丑正月二十日也師生六歲考妣俱喪養於伯父濟川家愛師穎悟教之學文而師雅好恬淡常默禱高穹望早逢益師年十九竟棄家去作雲水之游初隱東萊之牢山後住天柱山之仙人宮宮之主白雲僊表

三

者曰湯陰李先生有藻鑒見師儀度不凡因與談道大加賞異退謂其徒曰余在道三十年老師宿德所見多矣能如此子精當會不一二覩繼而告曰君元門大器海上異人長春尙在宜往從之師翌日遂行至卽墨之東山時當貞祐變亂盜賊蜂起山有窟室可容數百人寇至羣避其中眾以師後至拒而不納俄爲寇所獲問窟所在箠楚慘毒竟不以告寇退窟中人出環泣而謝曰吾儕小人數百口之命懸於公



一言而公能忘不納之怨以死救之其過常情遠矣  
遂爭爲給養歲戊寅夏六月聞長春真君自登居萊  
師促裝以往拜謁席下長春一見器許異常師自承  
教益加奮勵已卯六月元太祖起長春於海上從者  
十八人師其一也明年七月至阿不罕山留師等九  
人創立棲霞觀癸未夏五月長春至自行在憩於其  
觀忽一日手持弓絃以授師師亦不言圖而佩之識  
者知其有付囑之意丁亥秋七月長春仙去太和嗣

白雲僊表

三

教以師爲都道錄兼領長春宮事戊戌春正月太和  
會四方耆宿手自爲書付師嗣主教席師度不能辭  
乃受之辛亥元憲宗繼位召師至闕下親緘信香令  
徧詣嶽瀆以脩祀典秋九月還燕乙卯秋復召見於  
行宮上謂曰朕欲天下百姓安生樂業然與我同心  
者未得其人何如師對曰自古聖君有愛民之心則  
才德之士必應誠而至上嘉納之丙辰春正月以老  
辭夏四月至北庭六月戊寅正襟危坐留頌而化春

秋六十有四著有西遊記乃演長春西見元祖演道  
之語盛行於世元至大年間加封爲真常妙應顯文  
洪濟大真人

白雲僊表

壽

野齊大真人

玄帝盛符效世元至大半間耿桂爲真常妙應顯文  
海六十有四著有西遊記乃演長春西見元祖演道



抱元趙宗師

師姓趙諱道堅道號虛靜子家世澶州生於大定三年癸未天姿澹靜兒時有道者相之曰神清骨奇塵世中豈能久留及長母欲爲之授室不從屢請入道母數詰責知其志不可奪乃從之慕崔先生有道名往師焉崔命執厨爨之役每夜令造食五七度度必改味及所進亦不多食亦不令多造使通宵不寐如此三年如一日崔知其可教十九年己亥命師詣華

白雲僊表

三

亭就丹陽請益丹陽納之庚子丹陽還終南命師往龍門侍長春而親訓炙長春爲賜今名時往來於靈陽長生二真君前後歸棲霞長春命充文侍掌經籍典教凡僚庶道流來謁必先參師然後入拜丈室其爲文清古筆法類座鶴銘己卯歲長春赴召適西域選侍行者師爲之首遂從真君闡教立功凡有作爲不言而喻真君與語奇之曰此元門柱石天仙領袖也旣得清靜自然之秘傳河南道士張碧芝爲龍門

正宗第一代律師元至大年間加封爲中貞翊教主  
應真人

白雲僊表

美



應真人

正宗第一代律師元至大年間加封爲中貞翊教主



洞徹何宗師

師姓何諱志清不知何里人幼以恬淡爲懷及長負  
書曳杖遍訪高真偶遇長春於海上真君一見許爲  
道器卽以性命之事與談師於聽聞之下頓覺豁然  
於是執弟子禮肅恭跪拜已卯歲從真君應元太祖  
之聘征途萬里艱苦備嘗東還之日行至阿不罕山  
真君令師偕潘崇和等六人先進真君暨尹公等次  
之李崇真等五人又次之後先返轡同至燕京住大  
白雲僊表

三

天長觀真君仙化師遂不知所終元至大年間加封  
爲虛明淵靜守一真人



冲虛張宗師

師姓張諱志素號谷神子睢陽人震肅之際母夢衣冠丈人以芝見授明日誕師及長風儀秀整遇異人飲之以酒襟靈頓悟有瀟灑出塵之想遂偕同志謁長春於東萊長春嚙齒大罵慢不加省二三子大懼皆逡巡遁去師留請益恭長春啞然笑曰孺子可教遂以備庖爨之列始終四十年周旋供養未嘗失意迨自西域歸來長春仙化師遂居道錄提點之位諸白雲僊表

美

務鱗集處之裕如旣而應北方諸侯之聘演教白霄門徒甚盛後歸元元祖庭經營十餘年殿堂廊廡煥然一新有詔特加褒獎師平素屢有光自頂出氤氲徹於空際一日語其徒曰長春有闐風之召遂沐浴衣冠而逝春秋八十有一元至大年間加封爲應元扶教崇道真人



守一夏宗師

師姓夏諱志誠號清貧道人濟南漳邱人家世業農以積善稱於鄉里厯十餘世未嘗涉訟庭父珍有三子師其長也生而簡靜體貌魁偉希言笑自髫齡便有方外之志甫弱冠不願有室常以生死性命事爲大俟二弟成立爲之授室教以養親遂飄然而去詣棲霞觀師禮長春參求元理得一善則拳拳服膺朝夕不替師不讀世間書然進脩道德之語日記千言

白雲僊表

三

恒若不識不知者但躬親庶務而已貞祐中四方變亂有大寇據海州州之道眾無計可出真君命師往救之所活甚眾已卯元太祖遣使起長春師亦隨行途中有倦行者師以已乘之騎付之而自徒步居無何復從真君還燕肇闢元門遠近參謁者如市師所得財寶人有所求則與之而無悌真君以師愿慤命主玉虛觀事丁亥秋七月真君厭世以師提點長春宮事雜處稠人中未嘗有尊大之意無問則終日不

語有問則怡然而對惟勸人行善而已壬寅秋以老  
乞閑常危坐終日雖遇喧悖淆混若無聞見乙卯八  
月六日端坐而化享年八十有三元至大年間加封  
爲無爲抱道素德真人

白雲僊表

四



洞明綦宗師曰曲肱而適事年六十有大元至大平  
師姓綦諱志遠字子元世爲萊州掖縣巨族祖德中  
父遵皆雅志田園以陰德見稱於鄉里皇統間餓莩  
滿野其家設粥以濟至秋成乃止大定己丑重陽祖  
師挈丹陽長真長春三真君過其門嘗邀至家修齋  
供奉後於鄉里創立龍翔觀明昌庚戌正月十九日  
師乃生幼不戲狎及長使之讀書師曰所願學者道  
而已父母欲議婚師聞之潛於淨室自潔其身家人  
白雲僊表

聖

知其志不可奪卽令往棲霞參長春真君服勤久之  
己卯歲元太祖起長春於海上從者十八人師其一  
也甲申春還燕都隨住長春宮服勞愈謹迨長春上  
仙師遂行化山東迎迓者朝夕不輟度門弟子數百  
人戊戌春朝旨命師同洞真于公住持終南山提點  
陝右教事甲辰上元賜號元門洪教白雲真人丙午  
冬復荷金冠之賜生平創立宮觀二十餘所乙卯秋  
七月二十四日曲肱而逝享年六十有六元至大年

間加封爲體元抱德冲悟真人

白雲僊表

望

南吹桂爲韻元皓歸中留真人



光教于宗師

師姓于諱志可冲虛其號也寧海人漢高門于公之  
後父名江子六人師其最幼者雅好淡淨髫齡時卽  
有出塵之想承安初長生劉真君以道接人於武官  
師聞之往焉於顧盼之間似有所契年十九決意往  
事之居無幾長生歸真遂求法於長春真君真君一  
見期許異常納爲弟子因服炊爨之役十餘年以嚴  
潔見稱後從真君應詔回處燕京真君仙化師卽提  
白雲僊表

聖

點長春宮事在道門五十餘年衣不解帶脇不沾席  
後以老乞間至乙卯春二月偶示微疾斂息而化春  
秋七十有一元至大年間加封爲誠純復朴冲寂真  
人開之書語外顯顯之問心自快笑至十六大憲封  
出重之懸氣安亦長生隱真君以道接人於武官  
師父各五十六人師其最幼者雅好淡淨髫齡時  
師按于韜志可冲虛其號也寧海人漢高門于公之



洪道孟宗師

師名志源字德清號重元子其先本上京徒單氏大定末遷萊州膠水居孟氏宅人因以孟氏歸之高祖貺官汾陽節度使高祖母金宗室完顏氏曾祖克甯以功累遣至太師封淄王諡忠烈祖斜哥辭官南京副留守父給答馬世襲千戶母烏林答氏兄弟十人皆爲顯宦而師生卽薄富貴樂雲游癸亥秋偶訪長春於玉陽觀景仰仙風願爲弟子長春爲訓今名後

白雲僊表

畧

常往來於玉陽太古二真君前皆以元門大器許之迨至貞祐變亂兄弟蕩散師乃扶二親就已所孝養盡禮已卯元太祖起長春於海上選門人道行清高者十八人侍行師其一也風沙萬里師執僕御之役勤苦百至不以爲勞真君嘉之曰人必先有所難而後大有所獲也還燕後師住德興之龍陽觀丁亥真君上仙師年四十一矣一日靜坐室中忽於恍惚間見重陽祖師遂覺身中百關通暢真氣沂流癸丑有



朝旨授師爲教門都提點並賜金冠紫服中統二年  
二月順正而化春秋七十有五元至大年間加封爲  
重元廣德冲用真人

白雲僊表

聖

重元廣德冲用真人

二月順正而化春秋七十有五元至大年間加封爲  
重元廣德冲用真人

宣德楊宗師

師姓楊諱志靜里居無攷幼有道心中年遊於海濱  
聞邱真君演教東萊遂往拜謁見真君尸居柴立私  
嘆曰異哉斯人真吾師也真君亦以師之氣宇見契  
留侍几杖爲訓今名至己卯真君應詔西行師亦在  
十八人之列癸未春東還至阿不罕山分道而進甲  
申二月師侍真君居縉山三月還燕京住天長觀丁  
亥七月真人上仙師之功行已滿但以逍遙爲樂飄  
白雲僊表

吳

然塵外不知所終元至大年間加封爲洞虛得一元  
通真人祖述真君居縉山三月還燕京住天長觀丁  
十八人之列癸未春東還至阿不罕山分道而進甲  
申二月師侍真君居縉山三月還燕京住天長觀丁  
亥七月真人上仙師之功行已滿但以逍遙爲樂飄  
白雲僊表



抱樸鞠宗師

師姓鞠諱志圓里居未詳自幼不求安飽尋師訪道  
受盡艱辛後聞長春闡教海濱往依門下真君契重  
爲訓今名一聞秘訣勤脩弗懈興定三年元太祖徵  
真君於海上從者十八人師亦與焉癸未七月師侍  
真君還燕迨長春上仙後便宜劉公從尹太和之議  
爲真君構堂白雲遂舉師董其役自四月上丁除地  
建址閱四月而大功告竣以七月九日會葬真君仙  
白雲僊表

畢

蛻四方觀者數萬人皆曰不圖神速之至於斯也宣  
撫王公榜其堂曰處順其額曰白雲師自葬仙師後  
謝絕塵緣遨遊海上不知所終元至大年間加封爲  
保真素朴靜應真人

光範鄭宗師

師姓鄭諱志修不知其鄉里但以道德聞於世及長  
受業長春門下真君與語性命之事無不身體力行  
已卯歲元太祖起真君於海上選門弟子十八人師  
在其列迨東返至阿不罕山分道而進師暨孫太素  
等五人殿後回至燕京同住天長觀丁亥七月長春  
上仙師遂隱於終南之顛不復見於塵世矣元至大  
年間加封爲通微復靜冲應真人

白雲僊表

哭



敷化宋宗師

師姓宋諱德方字廣道萊州掖城人先世以積善見稱其初生之夕里人見其家祥光照徹比日卽大定癸卯八月一日也時人遂異之年十二問其母曰人有死可得免乎母曰汝問劉神仙去時長生設教於武官於是師明日徑往長生一見愛其吐屬不凡留侍几杖迨長生仙去遂謁長春於棲霞真君授以披雲子之號師酷好讀書儒經道典罔不涉獵雖從行萬里亦手不釋卷真君嘗語曰道經泯滅宜爲恢復余老矣不暇及此他日爾其任之丁亥歲長春仙化師往河東行至太原西山得古昊天觀故址有二石洞皆道家像儼存壁間師乃因之修葺三年遂成一大道場後居平陽之元都觀日與門下士通真子講求道藏謀爲錢版時有鉅卿胡公聞而悅之傾金以助事成之日元翰林學士李冶有碑文記之真不負當日真君之委任也甲辰春歸終南祖庭築亭以居


白雲僊表

聖光

題曰待鶴丁未冬十月十一日沐浴更衣曲肱而逝  
春秋六十有五元至大年間加封爲至道崇文明化  
大真人

白雲僊表

率



大真人

春秋六十有五元至大年間加封爲至道崇文明化  
題曰待鶴丁未冬十月十一日沐浴更衣曲肱而逝



葆一王宗師

師姓王諱志明山東登州人幼聞重陽祖師自煙霞洞來文登闡全真教度化多人心焉慕之及壯操瓢持笠遍訪真師聞長春演道於棲霞遂往依焉真君爲訓今名若聞半偈一言無不細心參悟興定三年從真君應元太祖之召甲申三月還燕時秦晉之間道風不振真君命師往彼開化一方時值元世祖西伐未回駐兵秦郡師恐塗炭生民遂見於行在拳拳

白雲僊表

五

以止殺爲勸帝嘉納遂命師由秦至燕并賜金虎牌仰邱神仙處置道家事長春上仙後師仍闡教於秦州師於入道之始卽見重於玉陽王祖曾贈以詩有紫霞堆裏玉容光長春境界無衰老之句元至大年間加封爲熙神資道葆光真人

崑陽王真人

王真人名常月號崑陽子山西潞安府長治縣人也生當明季之亂慨然有出塵之心年甫弱冠卽遍歷名山參求大道迨至中年始於王屋山遇趙復陽祖師懇求開示師不答乃飢餐松柏渴飲清泉至月餘拜求益切師見其誠密於天垓王母洞告盟天地授以戒律且勉之曰大哉至道成之非易易也必以功行爲先真人再

白雲僊表

三

拜受教歷八九年參師二十餘位印證五十餘人聞九宮山內有隱士亟往訪之遙見幽林密茂處一人端坐石上膝行而前視之卽復陽也驚喜交集師問邇來應物持心何得何失真人以元風頽敗求師振拔爲對師曰君子窮於道之謂窮通於道之謂通道備吾身何患宗風之不振耶遂以天仙大戒密授之別師後居華山一日拜斗見斗姥自空而降謂曰汝緣在北母



滯於斯時吾

世祖皇帝入關之始真人遂北上掛單於靈佑宮丙申

三月望日奉

旨主講白雲觀

賜紫衣凡三次登壇說戒度弟子千餘人道風大振康

熙庚申九月九日以衣鉢授弟子譚守誠留頌  
而逝葬於白雲觀西偏

聖祖仁皇帝聞之賜號抱一高士

白雲僊表

三

命築饗堂以覆之塑法像以祀之

羅真人

羅真人江西人也康熙間來京師冬夏一衲伴

狂於市或取生米麥以口吹之卽熟晚間店家

舉燭火未及燃羅吹之亦熾京師九門一日九

見其刑後忽隱去三年無踪疑死矣忽有年姓

者掃坑

北人冬天都燒暖坑坑深丈許每三年一掃積灰

坑中聞鼾聲

大驚集眾視之羅真人也崛然而起曰借汝家

坑熟卧三年矣眾請送入廟曰吾不入廟請供

白雲僊表

語

奉之曰吾不受供然則何歸曰可送吾至前門

外密蜂窩卽昇往窩洞在土山之凹聚游蜂數

百萬羅解衣赤身而入羣蜂圍繞出入於羅之

七竅而不能螫人饋之食或食或不食每食必

罄其所饋或與斗米飯雞卵三百一啖而盡亦

無飽色或饋生薑四十斤片時啖盡居窩數載

莫能測其所脩雍正五年春至白雲觀居靜室

杜門不出者一月有餘道眾潛往觀之則已坐



化矣遂藏仙蛻於觀東神異之妙朝野咸知  
世宗憲皇帝敕封恬淡守一真人並  
命建塔以覆之卽今白雲觀東之塔院也

白雲僊表

三

高火頭師

高火頭師本文人鄉貫無考讀書甚富偶聞塾師喻言不吃十分苦難成大覺仙遂翛然有出塵之想乾隆間至白雲觀充當火頭十餘年性嗜菸與常住清規不合主事者禁止之師曰菸乃

熙朝瑞草人所當吸敢以清規難我耶竟莫能禁後偕友人遊牢山牢山諸道者素慕火頭而未相

白雲僊表

三

識常言得高師一降臨爲幸及師至甫入廟出菸吸之見者以不守清規促令去所到之處無不催單適其友後至詢廟中高火頭來否曰未也友以偕往告並舉師服飾言動示之乃知卽催單者始悔覲面相失遣人追之已失所在牢山數百里宮觀數十處皆於一日見其形焉



張睡仙師

張睡仙師不知何處人以善睡得名初至白雲觀當眾吃齋之際獨擁被焉或啟之答曰吾服氣耳何必吃人間煙火食耶眾以爲誑遂逐之及催單期滿復來識者曰此有道之士請居靜室十餘日不一啟扉潛往探之則高枕而卧始信精炁神已能自固咸敬服之後居都城之呂祖閣閣小而破幾不足蔽風雨某內官助資脩

白雲僊表

五

葺門閭高大殿宇輝煌儼然成一大道場而師漠然若未之見一日語其徒曰吾將行爾等毋懈厥志言畢而逝葬於白雲觀之三仙坎後遷葬於黃村

李園君師

李園君師山西平陽府臨汾縣人也本係貴家  
子學問淵博不求仕進初遊武當山皈依龍泉  
觀之汪老律師取名復信後隱終南數十年爪  
甲長數尺蟠屈如蛇護以竹筒道光初年至白  
雲觀身穿破衲腰繫圓裙時人因以圓裙呼之  
精於岐黃活人無算或有以朱提爲謝者辭曰  
吾將藉此立功豈肯受賄君果德我護法常住  
曰雲僊表

五

可矣道光乙未七月十五日順正而化葬於白  
雲觀之三仙坎享年一百有二



王赤腳師

王赤腳師名合貴山東青州府博山縣人也年弱冠從邑中達摩庵李師出家雲遊數十年至京都白雲觀繡頭跣足一衲一瓢寒暑無異問其年曰八十一越數年又問亦如之結茅於觀之呂祖殿前夏秋蜂房滿簷當師入定時或有戲之者蜂輒螫若爲師護靜某貴官玩雪至觀適師往厨中取齋將試其道行乃截其歸路迫使蹴積雪行而晤與之語良久乃嘆曰真修行人也予重裘猶寒師衲衣赤足竟不知冷耶低頭視之足下之雪已化去尺許矣厚贈而別師受之而散給眾人凡有饋送者悉如是羽化之後葬於白雲觀之三仙坎

